Lebanese Problematic Sheikh Hassan Merheb a true Muslim we need to understand

في اشيا مش عمنحكيها تما ينقال انو عمنفتري ونفتّح جروحات. يا عمي عمنموت بعشارات الالاف بكل حرب لان مش عمنجرب نفهم بعض الحقايق "حفاظًا على ماء الوجه" ولان عمندور الزوايا تما يز عل فلان ويحرد علتان.

طيب منيح قالها الشيح حسن مرعب من يومين، وهو شيخ سني (لازم قول هالشي لان اليوم كل الناس بتفكّر انو هيك خطابات هي بس عند الشيعة)، وهو امام جامع الامام علي بطريق الجديدة، ومفتش مساعد بدار الفتوى. يعني مش "حبة وحبتيْن".

وتعاليمه هي تعاليم مدرسة الازهر (اعلى سلطا سنية بالعالم مشان يلي ما بيعرف) وهي نفسها تعاليم الوليّ الفقيه (كلكن صرتوا تعرفوا انو اعلى سلطا شيعية): هي التعاليم البديهية بالإسلام، وبخط الامام المرحوم حسن خالد يلي قال "الفلسطينيون جيش الاسلام في لبنان". الخلاف بين المدرستين هو بشكل اساسي مين بقود تطبيق هالتعاليم، مين بقود المسلمين. هيدا الفيديو جوهري ع كزا صعيد:

١- بأكّد على توصتين من قبل يسوع: قولوا الحق والحق يحرركم، وليكن كلامكم نعم نعم لا لا.

لو جماعتنا بيتّعظوا. برافو للإمام حسن مرعب!

٢- باكد على ثوابت الاسلام يلى هنى انو:

أ- المسلمين امة، يعني شعب، يعني قومية، يعني اتنية: هل ٤ تعابير هني مرادفات. عمنحكي سوسيولوجيا. اداريًا، هني والمسيحيين من الشعب اللبناني من ١٩٢٠. اذا رجع تقسم لبنان ببطل في لبنانيي، متلما ما كان في لبنانيي قبل ١٩٢٠. متل ما الشعب يلّي اداريًا بلجيكي، هو سوسيولوجيا شعبين: الوالونيين والفلامانيين. ما شي شعب / قومية بلجيكية.

ب- العلاقة بين المسلمين على اساس الاسلام تعلو على اي علاقة تانية، اكان:

۱- قوميات المسلمين السابقة للاسلام (تركي عربي كردي فارسي امازيغي هندي أويغوري (Ughyur) فرنساوي روسي الخ)، او

٢ ـ مذاهبن (سني شيعي درزي الخ)، او

٣- نسبن (اب اخ ابن عم).

هلق إذا في مسلمين مش عمطبقوا هالشي، مش معناتوا هيدا مش الاسلام (متل ما المسيحيين ما بطبقوا تعاليمن). بس الجوهر هوي انو إذا المسلمين طبقوا هالشي، ما تلوموهن! هيدا الاسلام: يعني بس إيران والحزب يدعموا حماس، وشيعة لبنان تحارب مع الفلسطينيين ضد الحكم المسيحي، وسنة لبنان يوقفوا بلبنان مع سوريا وفلسطين... هيدا شي بمطرحوا. المسلمون امة ضد اعداءن: طبيعي!

ولمن اسلام لبنان تكون قضيتن فلسطين واسلام الصين واسلام اوروبا، ما تخونوهن سوسيولوجيًا معن حق وهيدا شي يعلو على انتماءن الاداري للجمهورية اللبنانية، يلي بالأصل انفرضت علين (ليش انفرضت موضوع تاني).

ج- بلاد المسلمين بلاد وحدة تم تقسيمها: صح. ما دام المسلمين شعب، لازم يكون عندن دولة. كان عندن ياها، الدولة الاسلامية الراشدية والاموية والعباسية والعثمانية. طبعًا انقسمت ع حالها، وكفّى عليها الغرب سنة ١٩١٨. بالتالي اذا حب مسلمو لبنان الانضمام لأي كيان مسلم، هيدا شي طبيعي، غير انو حق تقرير مصير. ملاحظة: المناطق المسيحية بلبنان من بشري للمتن الشمالي هي المنطقة الوحيدة بالعالم الاسلامي يلي ما كانت و لا مرة ضمن "بلاد المسلمين"، وان كانت محاصرة لفترة ٠٠٠ سنة وبعدان خاضعة شكليًا مع امتيازات: ولا مرة دافعة جزية وكمان ولا مرة انفرضت عليها احكام الذمة.

د- فكرة اضافية: المسلمين سنة وشيعة عندن "شرعة حقوق الانسان في الاسلام" المرتكزة على الشريعة (ولبنان ماضي عليها). انعملت بطلب من خامينئي ومع مدرسة الازهر باخر الثمانينت لان اعتبروا انو شرعة حقوق الانسان الصادرة عن الامم المتحدة هي نابعة من الارث الاغريقي اللاتيني المسيحي (عفكرا، يلي نابع من عند الكنعانيين القدامي). وهيدا الشي صحيح.

المسلمين يلي ما بوافقوا عهالتعاليم، رجاءً ما يغطوا عليها لأن هالتعاليم هي المسيّر الاساسي لعموم المسلمين. طبعًا حقّن يناضلوا مشان يغيروها إذا بدن. بس التغطية وكأن هالتعاليم ما لازم ناخدها بعين الحسبان بالسياسة وبحل أزمتنا، هي كفيلة باستكمال قافلة الشهدا من الجهتين الكنعانية (المسيحية) والمسلمة، وباستكمال الحروب والقهر والذل والفقر والتعتير...

#يا_فدرالية_يا_تقسيم

#يا_اتحادية_يا_تقسيم

#لمصلحة_كل_اللبنانيي